



UNIVERSITÄTS-
BIBLIOTHEK
PADERBORN

Universitätsbibliothek Paderborn

Liber Theologiæ Moralis, Viginti Qvatvor Societatis Iesv Doctoribvs Reseratvs

Escobar y Mendoza, Antonio de

Lvgdvni, 1659

III. De Horis Canonicis.

urn:nbn:de:hbz:466:1-41066

20. *Requiritur ne aliqua attentio ad orationis vocalis substantiam?* Attentio requiritur necessariò; sed sufficit attendere aut ad verba, aut ad sensum, aut ad Deum, aut ad rem pro qua preces funduntur. Porro etiam ad effectus orationis nempe impetrationem, meritum, satisfactionem, & spiritalem animi refectionem aliqua attentio est necessaria.

21. *An praeceptum vocalis privatae Orationis?* Minime. Pro dignitate profundatur oratio, quae requirit conditiones, adesse debet boni finis intentio, sacer locus, habitus corporis decens, ac vocis.

CAPVT III.

De Horis Canonicis.

22. *Quidnam Hora Canonica?* Haec laudes, quae certis horis iuxta Canones assolentur recitari. Officium diuinum vocitantur: quia publica Dei laudatio à sacro Canone instituta.

23. *Usus horarum Canonicarum exprime.* Antiquissimum esse, ac ex tempore Apostolico deriuatum assero. Chorus quidem semper sacer habitus ab Spiritu Sancto institutus.

24. *Horarum materiam assigna.* Verba sunt diuino cultui accommodata, v. gr. Psalmi, Cantica, Hymni, Lectiones, Responsoria, Versiculi, Benedictiones, Absolutiones, Capitula Inuitatoria, Antiphonae, Collectae, Oratio Dominica, Salutatio Angelica, Symbolum, quae suo ordine digestis Officium diuinum componitur.

25. *Eius diuisionem expende.* In duas partes diuiditur, nocturnam & diurnam. Nocturna quidem Matutinum & Laudes complectitur; Diurna autem Primam, Tertiam, Sextam, Nonam, Vesperas, ac Completorium. Octo quidem Horae ex institutione primariae extiterunt, iam usu ad septem redactae laudes enim Matutino adhærescunt. Hoc certè tribus Nocturnis constat; quia olim tribus adiectis interstitiis temporis in beatissimæ Trinitatis honorem recitabatur, legisque Naturalis, Scriptæ, & Gratiae in memoriam.

26. *Impletio praecepti quamnam vocem requirit?* Minister Ecclesiae canentes, aut recitantes publicè; voce vtantur, quae possit exaudiri. Priuatim recitans eam proferat vocem, quae sublati impedimentis à se saltem audiri valeat. Scio

Azor.

Azorium solam labiorum articulationem requirere, licet à recitante

recitante percipi non possit. Sed cum *Suario* & aliis contra-
Suar.
nam asserui.

27. *Quid de musica?* Vsum laudo Organi reliquorumque
instrumentorum? At tamen moneo verum ab Organo, aut
aliis instrumentis celebratum humana submissa voce sup-
pleri debere.

CAPVT IV.

Quinam recitare teneantur.

28. **A**d quosnam pertinet Horas in Choro recitare? Per se
ad Ecclesiasticas personas, queis aliæ haud Ordine
ullo decoratæ adijci possunt. Spectat item ad Regulares di-
uerso quidem titulo, quorum non omnes Choro addicuntur,
multi enim aut grauioribus salutis animarum, aut inferiori-
bus temporariis ministeriis curam impendunt. Porro accu-
ratiùs Choro deputandi hi Ordines, quibus prædicandi **cura**
non impendet.

29. *An præceptum extet Horas in Choro recitandi?* Eccle-
sia Cathedralis, ac Collegiata præcepto tenentur; secus Pa-
rochiales, & inferiores. Porro Regulares iuxta instituta aut
tenentur, aut liberantur. Grauis planè obligatio hæc res-
pectu communitatis. Episcopi & Prælati hac lege minimè ad-
stringuntur. Regularium qui Choro addicuntur possunt sub
mortali à constitutione obligari. Canonici Choro interessen-
tes grauius non delinquant, sed distributionibus quotidia-
nis prouentur. Horæ denique Templis huic dicatis mini-
sterio recitanda.

30. *Quinam extra Chorum priuatim recitare Horas te-
neantur?* Tribus modis potest quis ad priuatam recitationem
teneri. Primò ex sacro Ordine, obligatio quidem iure Cano-
nico exorta, quæ non ligat minoribus Ordinibus initiatos.
Secundò ex professione Regulari, obligatio à iure consuetu-
dinis orta non respectu omnium, sed eorum qui Choro de-
putantur, cuius ommissio ex genere suo mortalis est. Tertiò ex
Ecclesiastico Beneficio vnico aut multiplici, obligatio, quæ
non ligat duplici Beneficio fruente, bis aut sæpius quotidie
recitare. Nec obligat ad semel recitandum titulus sine pos-
sessione, multò minùs si lite implicatur. Obligat tamen pos-
sessio cum spe moraliter certa fructuum percipiendorum.
Item non obligat titulus sine administratione; sed qui volun-

R x 4 rariè